

集異門足論

才十

三音字七
同十

50301



阿毘達磨集異門足論卷第十

尊者舍利子說

三藏法師

玄奘奉

詔譯

四法品第五之五

四語惡行者一虛誑語二離間語三麁惡語
四雜穢語云何虛誑語惡行荅如世尊說苾
芻當知有虛誑語者或在質諒者前或在大眾
中或在王家或在執理家或在親友家為今
證故作是問言汝善男子應自憶念若知便
說不知勿說若見便說不見勿說彼得此問
不知言知或知言不知不見言見或見言不
見彼或自為或復為他或為財利正知而說
虛誑語不離虛誑語此中有虛誑語者謂



不離虛誑語者不斷虛誑語者不歇虛誑語者安任虛誑語者成就虛誑語者是名有虛誑語者或在質諒者前者謂或村落質諒者或城邑質諒者或邦國質諒者如是等質諒者若會遇若和合若現前是名或在質諒者前或在大眾中者謂或刹帝利衆或婆羅門衆或長者衆或沙門衆如是等諸大眾若會遇若和合若現前是名或在大眾中或在王家者謂有國王輔臣圍遶若會遇若和合若現前是名或在王家或在執理家者謂執理衆聚集評議若會遇若和合若現前是名或在執理家或在親友家者謂諸親友聚集言

論若會遇若和合若現前是名或在親友家
爲今證故作是問言者謂勸請彼說誠諦言
欲決是非故共審問汝善男子應自憶念若
知便說不知勿說若見便說不見勿說者謂
今憶念先所受境依實而說可爲明證此勸
誠言若於是事已見已聞已覺已知便可宣
說建立開示若於是事不見不聞不覺不念
勿謬宣說建立開示故作是言汝善男子應
自憶念若知便說不知勿說若見便說不見
勿說彼得此問不知言知或知言不知不見
言見或見言不見者此中不知言知者謂耳
識所受耳識所了說爲所聞彼實耳識未聞

未了而隱覆此想此忍此見此質直事言我
已聞此等名爲不知言知或知言不知者謂
彼耳識已受已了而隱覆此想此忍此見此
質直事言我不聞此等名爲或知言不知不
見言見者謂眼識所受眼識所了說爲所見
彼實眼識未受未了而隱覆此想此忍此見
此質直事言我已見如是名爲不見言見或
見言不見者謂彼眼識已受已了而隱覆此
想此忍此見此質直事言我不見如是名爲
或見言不見彼或自爲或復爲他或爲財利
正知而說虛誑語者此中彼或自爲者如有
一類自行劫盜被執送王王親檢問咄哉男

子汝於他物實作賊耶彼作是念我若實若
王定瞋忿重加刑罰或打或縛或駈出國或
奪資財或復斷命我當自覆自等覆自蔽自
等蔽自護自等護作虛誑語可免刑罰作是
念已便白王言我於他物曾不劫盜願王鑑
照我實非賊如是名為彼或自為或復為他
者如有一類親友作賊被執送王王親檢問
不得情實為作證故追檢問言汝之親友實
作賊不彼作是念我若實若王定瞋忿令我
親友重遭刑罰或打或縛或駈出國或奪資
財或復斷命我為親友應覆等覆應蔽等蔽
應護等護作虛誑語今免刑罰作是念已便

白王言我之親友於他財物曾不劫盜願
鑑照彼實非賊如是名爲或復爲他或爲財
利者如有一類心懷貪欲作是思惟我當施
設虛誑妄語方便求覓可愛色聲香味觸境
衣服飲食卧具醫藥及餘資財作是念已即
便追覓由此因緣作虛誑語如是名爲或爲
財利正知而說虛誑語者謂審決已數數宣
說演暢表示虛誑語言是名正知而說虛誑
語不離虛誑語者謂於惡心不善心所起惡
行不善行所攝虛誑語不離不斷不歇不息
如是語言唱詞評論語音語路語業語表名
虛誑語惡行

云何離間語惡行荅如世尊說苾芻當知有
離間語者聞此語向彼說爲破此故聞彼語
向此說爲破彼故諸和合者令其乖離已乖
離者令永間隔愛樂離間說離間語不離離
間語此中有離間語者者謂不離離間語者
不斷離間語者不厭離間語者安住離間語
者成就離間語者是名有離間語者聞此語
向彼說爲破此故者謂聞此說順破壞語順
不堅語順不攝語順不喜語向彼宣說令彼
聞已便於此處乖反背叛是名聞此語向彼
說爲破此故聞彼語向此說爲破彼故者謂
聞彼說順破壞語順不堅語順不攝語順不

喜語向此宣說今此聞已便於彼處乖反背
叛是名聞彼語向此說爲破彼故諸和合者
令其乖離者謂往此彼展轉和合隨順喜樂
無諍者所方便破壞令其乖離是名諸和合
者今其乖離已乖離者今永間隔者謂往此
彼已相乖反背叛者所作如是言善哉汝等
已能展轉乖反背叛所以者何汝等長夜更
相訾毀言不具信戒聞捨慧故能展轉乖反
背叛甚爲善哉此彼聞已轉相乖反轉相背
叛是名已乖離者今永間隔愛樂離間者謂
於此彼乖反背叛深生愛樂不厭不捨是名
愛樂離間說離間語者謂數宣說演暢表示

離間語言是名說離間語不離離間語者謂
於惡心不善心所起惡行不善行所攝離間
語不離不斷不歇不息如是語言唱詞評論
語音語路語業語表名離間語惡行

云何麤惡語惡行若如世尊說苾芻當知有
麤惡語者彼所發語能惱澀強令他辛楚令
他憤恚衆生不愛衆生不樂衆生不喜衆生
不悅令心擾亂能障等持說麤惡語不離麤
惡語此中有麤惡語者者謂不離麤惡語者
不斷麤惡語者不歇麤惡語者安住麤惡語
者成就麤惡語者是名有麤惡語者彼所發
語能惱者謂所發語鄙穢麤獷是名能惱澀

強者謂所發語不滑不軟亦不調順是名澀
強令他辛楚者謂所發語令能聞者無利無
樂是名令他辛楚令他憤恚者謂所發語先
自憤恚忿惱憂感亦令他生憤恚等事是名
令他憤恚衆生不愛衆生不樂衆生不喜衆
生不悅者謂所發語令多有情不愛不樂不
喜不悅是名衆生不愛乃至不悅令心擾亂
者謂所發語令心躁動擾濁不得安定是名
令心擾亂能障等持者謂所發語令他聞已
其心躁動擾濁不得安定是名能障等持說
麁惡語者謂數宣說演暢表亦麁惡語言是
不說麁惡語不離麁惡語者謂於惡心不善

心所起惡行不善行所堪測麁惡語不離不斷
不厭不息如是語言唱詞評論語音語路語
業語表名麁惡語惡行

云何雜穢語惡行答如世尊說苾芻當知有
雜穢語者說非時語非實貝語非真語無法語
無義語不寂語不靜語無喻無釋不相應不
相近雜亂無法能引無義說雜穢語不離雜
穢語此中有雜穢語者者謂不離雜穢語者
不斷雜穢語者不厭雜穢語者安住雜穢語
者成就雜穢語者是名有雜穢語者說非時
語者謂所說語非時不應時非節不應節非
分不應分是名說非時語非實語者謂所說

語不實不稱實是名非實語非真語者謂所
說語虛妄變異是名非真語無法語者謂所
說語宜說顯了表示開發純非法事是名無
法語無義語者謂所說語宜說顯了表示開
發純無義事是名無義語不寂語者謂所說
語非諸智者先思而說率尔而說是名不寂
語不靜語者謂所說語數數宣唱告示誼雜
是名不靜語無喻者謂所說語無譬喻無釋
者謂所說語無解釋不相應者謂所說語義
不應文文不應義是名不相應不相近者謂
所說語前後不相續或意趣有異是名不相
近雜亂者謂所說語不一不定名爲雜亂若

所說語純一決定名無雜亂無法者謂所說
語越素咀纜及毗奈耶阿毗達磨是名無法
能引無義者謂所說語能引種種不饒益事
是名能引無義說雜穢語者謂數宣說演暢
表示雜穢語言是名說雜穢語不離雜穢語
者謂於惡心不善心所起惡行不善行所攝

雜穢語不離不斷不歇不息如是語言唱誦
評論語音語路語業語表名雜穢語惡行四
語妙行者一離虛誑語二離離間語三離麁
惡語四離雜穢語云何離虛誑語妙行荅如
世尊說苾芻當知有斷虛誑語離虛誑語者
諦語樂實可信可保可住世間無諍說如是

語離虛誑語此中有斷虛誑語離虛誑語者
謂斷虛誑語者離虛誑語者戾虛誑語者安
任不虛誑語者成就不虛誑語者是名斷虛
誑語離虛誑語者諦語者謂所說語是實非
不實是真非不真不虛妄不變異是名諦語
樂實者謂樂諦語愛諦語不厭不捨是名樂
實可信可保可任世間無諍者謂由諦語若
天若魔若梵若沙門若婆羅門若餘世間天
人衆生皆共信保安任無諍是名可信可保
可任世間無諍說如是語者謂數宣說演暢
表示不虛誑語離虛誑語者謂於善心調柔
心所起善行調柔行所攝離虛誑語不離不

斷不戠不息如是語言唱詞評論語音語路
語業語表是名離虛誑語妙行

云何離離間語妙行答如世尊說苾芻當知
有斷離間語離離間語者不欲破壞不聞此
語向彼說為破壞此不聞彼語向此說為破
壞彼諸乖離者令其和合已和合者令永堅
固愛樂和合說如是語離離間語此中有斷
離間語離離間者謂斷離間語者離離間語
者戠離間語者安住不離間語者成就不離
間語者是名有斷離間語離離間語者不欲
破壞者謂欲和合不聞此語向彼說為破壞
此者謂聞此說順破壞語順不堅語順不攝

語順不喜語不向彼說勿彼聞已便於此處
乖反背叛是名不聞此語向彼說為破壞此
不聞彼語向此說為破壞彼者謂聞彼說順
破壞語順不堅語順不攝語順不喜語不向
此說勿此聞已便於彼處乖反背叛是名不
聞彼語向此說為破壞彼諸乖離者令其和
合者謂往此彼展轉乖反背叛者所種種方
便令其和好更相愛樂是名諸乖離者令其
和合已和合者令永堅固者謂往此彼展轉
和合隨順喜樂無諍者所作如是言善哉汝
等能共和合隨順喜樂不相乖諍所以者何
汝等長夜更相讚美言具淨信戒聞捨慧故

無乖諍其為善哉此彼聞已轉共和合隨順
喜樂永無乖諍是名已和合者令永堅固愛
樂和合者謂於此彼和合隨順喜樂無諍深
生愛樂不厭不捨是名愛樂和合說如是語
者謂數宣說演暢表示不離間語離離間語
者謂於善心調柔心所起善行調柔行所攝
離離間語不離不斷不厭不息如是語言唱
詞評論語音語路語業語表名離離間語妙
行云何離離惡語妙行若如世尊說苾芻當
知有斷麤惡語離離惡語者彼所發語無過
悅耳入心高勝美妙明了易解樂聞可尚無
依衆生所愛衆生所樂衆生所喜衆生所悅

令心無亂能順等持說如是語離麤惡語此
中有斷麤惡語離麤惡語者謂離麤惡語者
斷麤惡語者馱麤惡語者安住離麤惡語者
成就離麤惡語者是有斷麤惡語離麤惡
語者彼所發語無過者謂所發語無曲穢濁
亦不剛強是名無過悅耳者謂所發語能令

聞者利益安樂是名悅耳入心者謂所發語
令心離蓋及隨煩惱安隱而住是名入心高
勝者謂宮城語如宮城中人所發語於餘城
邑人所發語為最為勝為尊為高為上為妙
故名高勝離麤惡語亦復如是於餘語言為
最為勝為尊為高為上為妙是名高勝美妙

者謂所發語不踈不密不隱不顯是名美妙
明了者謂所發語不急不緩是名明了易解
者謂所發語易可了知是名易解樂聞者謂
所發語軟滑調順是名樂聞可尚者謂所發
語應可供養是名可尚無依者謂所發語不
希名利是名無依衆生所愛衆生所樂衆生
所喜衆生所悅者謂所發語令多有情愛樂
喜悅是名衆生所愛乃至所悅令心無亂者
謂所發語令心安定無躁無動亦無擾濁是
名令心無亂能順等持者謂所發語令他聞
已其心安定無躁無動亦無擾濁是名能順
等持說如是語者謂數宣說演暢表示不麤

惡語離麁惡語者謂於善心調柔心所起善
行調柔行所攝離麁惡語不離不斷不歇不
息如是語言唱詞評論語音語路語業語表
是名離麁惡語妙行

云何離雜穢語妙行荅如世尊說苾芻當知
有斷雜穢語離雜穢語者彼有時語實語真
語法語義語寂語靜語有喻有釋相應相近
無雜亂有法能引義語如是語離雜穢語此
中有斷雜穢語離雜穢語者謂離雜穢語者
斷雜穢語者歇雜穢語者安住離雜穢語者
成就離雜穢語者是名有斷雜穢語離雜穢
品者彼有時語者謂所說語應時離非時應

節離非節應分離非分是名時語實語者謂
所說語稱實離非實是名實語真語者謂所
說語不虛妄不變異是名真語法語者謂所
說語宜說顯了表示開發純如法事是名法
語義語者謂所說語宜說顯了表示開發純
有義事是名義語寂語者謂所說語是諸智
者先思而說非率介說是名寂語靜語者謂
所說語非數宣唱告示誼雜是名靜語有喻
有釋者謂所說語有譬喻有解釋是名有喻
有釋相應者謂所說語義應於文文應於義
是名相應相近者謂所說語前後相續意趣
無異是名相近無雜亂者謂所說語純一決

定名無雜亂若所說語不一不定名為雜亂
有法者謂所說語不越素咀纜及毗柰耶阿
毗達磨是名有法能引義者謂所說語能引
種種有饒益事是名能引義說如是語者謂
數宣說演暢表示不雜穢語離雜穢語者謂
於善心調柔心所起善行調柔行所攝離雜
穢語不離不斷不歇不息如是語言唱詞評
論語音語路語業語表名離雜穢語妙行四
非聖言者一不見言見二不聞言聞三不覺
言覺四不知言知云何不見言見非聖言荅
眼識所受眼識所了說為所見有實眼識未
受未了而隱覆此想此忍此見此質直事言

我已見如是名為不見言見非聖言有實已
見起不見想而隱覆此想此忍此見此質直
事言我已見如是雖名非聖言而不名不見
言見彼實已見故云何不聞言聞非聖言答
耳識所受耳識所了說為所聞有實耳識未
受未了而隱覆此想此忍此見此質直事言
我已聞如是名為不聞言聞非聖言有實已
聞起不聞想而隱覆此想此忍此見此質直
事如是雖名非聖言而不名不聞言聞彼實
已聞故云何不覺言覺非聖言答三識所受
三識所了說為所覺有實三識未受未了而
隱覆此想此忍此見此質直事如是名為不

覺言覺非聖言有實已覺起不覺想而隱覆
此想此忍此見此質直事言我已覺如是雖
名非聖言而不名不覺言覺彼實已覺故云
何不知言知非聖言荅意識所受意識所了
說爲所知有實意識未受未了而隱覆此想
此忍此見此質直事言我已知如是名爲不
知言知非聖言有實已知起不知想而隱覆
此想此忍此見此質直事言我已知如是雖
名非聖言而不名不知言知彼實已知故四
聖言者一不見言不見二不聞言不聞三不
覺言不覺四不知言不知云何不見言不見
聖言荅眼識所受眼識所了說爲所見有實

眼識未受未了彼不隱覆此想此忍此見此
質直事言我不見如是名為不見言不見聖
言有實已見起不見想彼不隱覆此想此忍
此見此質直事言我不見如是雖名聖言而
不名不見言不見彼實已見故去何不聞言
不聞聖言答耳識所受耳識所了說爲所聞
有實耳識未受未了彼不隱覆此想此忍此
見此質直事言我不聞如是名為不聞言不
聞聖言有實已聞起不聞想彼不隱覆此想
此忍此見此質直事言我不聞如是雖名聖
言而不名不聞言不聞彼實已聞故去何不
覺言不覺聖言答三識所受三識所了說爲

所覺有實三識未受未了彼不隱覆此想此
忍此見此質直事言我不覺如是名爲不覺
言不覺聖言有實已覺起不覺想彼不隱覆
此想此忍此見此質直事言我不覺如是雖
名聖言而不名不覺言不覺彼實已覺故云
何不知言不知聖言答意識所受意識所了
說爲所知有實意識未受未了彼不隱覆此
想此忍此見此質直事言我不知如是名爲
不知言不知聖言有實已知起不知想彼不
隱覆此想此忍此見此質直事言我不知如
是雖名聖言而不名不知言不知彼實已知
故復次四非聖言者一見言不見二聞言不

聞三覺言不覺四知言不知。云何見言不見
非聖言。答：眼識所受，眼識所了，說爲所見。有
實眼識已受已了，而隱覆此想此忍。此見此
質直事言我不見，如是名爲見。言不見，非聖
言。有實不見而起見，想彼隱覆此想此忍。此
見此質直事言我不見，如是雖名非聖言，而
不名見。言不見，彼實不見，故云何聞言不聞。
非聖言。答：耳識所受，耳識所了，說爲所聞。有
實耳識已受已了，而隱覆此想此忍。此見此
質直事言我不聞，如是名爲聞。言不聞，非聖
言。有實不聞而起聞，想彼隱覆此想此忍。此
見此質直事言我不聞，如是雖名非聖言，而

不名聞言不聞彼實不聞故云何覺言不覺
非聖言答三識所受三識所了說為所覺有
實三識已受已了而隱覆此想此忍此見此
質直事言我不覺如是名為覺言不覺非聖言
有實不覺而起覺想彼隱覆此想此忍此見
此質直事言我不覺如是雖名非聖言而不
名覺言不覺彼實不覺故云何知言不知非
聖言答意識所受意識所了說為所知有實
意識已受已了而隱覆此想此忍此見此質
直事言我不知如是名為知言不知非聖言
有實不知而起知想彼隱覆此想此忍此見
此質直事言我不知如是雖名非聖言而不

名知言不知彼實不知故
復次四聖言者一見言見二聞言聞三覺言
覺四知言知云何見言見聖言答眼識所受
眼識所了說爲所見有實眼識已受已了彼
不隱覆此想此忍此見此質直事言我已見
如是名爲見言見聖言有實不見而起見想
彼不隱覆此想此忍此見此質直事言我已
見如是雖名聖言而不名見言見彼實不見
故云何聞言聞聖言答耳識所受耳識所了
說爲所聞有實耳識已受已了彼不隱覆此
想此忍此見此質直事言我已聞如是名爲
聞言聞聖言有實不聞而起聞想彼不隱覆

此想此忍此見此質直事言我已聞如是雖
名聖言而不名聞言聞彼實不聞故去何覺
言覺聖言答三識所受三識所了說為所覺
有實三識已受已了彼不隱覆此想此忍此
見此質直事言我已覺如是名為覺言覺聖
言有實不覺而起覺想彼不隱覆此想此忍
此見此質直事言我已覺如是雖名聖言而
不名覺言覺彼實不覺故去何知言知聖言
答意識所受意識所了說為所知有實意識
已受已了彼不隱覆此想此忍此見此質直
事言我已知如是名為知言知聖言有實不
知而起知想彼不隱覆此想此忍此見此質

直事言我已知如是雖名聖言而不名知言
知彼實不知故

說一切有部集異門足論卷第十

同

謬

苗 幼

咄

丁 骨

鑑

音 鑿

背叛

下 音 畔

翌

字鄙

界 美

滯

粟

憂感

下 倉 曆 反

踈躁

二 同 則

到 反

